

**JU ZAVOD ZA HITNU
MEDICINSKU POMOĆ
KANTONA SARAJEVO**
Direktor Zavoda
Broj:01-1092 /19-3
Datum: 15.3.2019.godine

Na osnovu člana 64. stav 1., člana 70. stav (1), (3). i (6). Zakona o javnim nabavkama („Službene novine BiH“, broj 39/14), na preporuku Komisije za javnu nabavku boca za kisik broj: 1092/19-2 od 14.3.2019 godine, u postupku javne nabavke boca za kisik, direktor Zavoda je donio

ODLUKU o izboru najpovoljnijeg ponuđača

Član 1.

Prihvata se preporuka Komisije za javnu nabavke, broj: 1092/19-2 od 14.3.2019.godine i ugovor za javnu nabavku boca za kisik, dodjeljuje se ponuđaču MESSER TEHNOPLIN d.o.o ponuda broj: 2PO-61/19, zaprimljena na protokol Zavoda broj 1090 dana 27.02.2019 godine, za ponuđenu cijenu od 4.640,00 KM, bez PDV-a, kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču MESSER TEHNOPLIN d.o.o po isteku roka od 15 dana, računajući od dana od kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Služba pravnih i kadrovskih poslova.

Član 4.

Ova odluka objavit će se na web-stranici www.hitnasa.com, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-734-1/19 od 11.02.2019 godine.

Javna nabavka je sprovedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 9.000,00 KM

Obavještenje o nabavci broj : 39-7-1-26-3-2/19 poslato je na objavljivanje dana 14.02.2019 godine, a objavljeno je na Portalu javnih nabavki dana 14.02.2019 godine.

Komisija za javnu nabavku imenovana je Odlukom broj: 01-734/19-2 od 15.02.2019. godine.

Budući da je u ovom postupku objavljena tenderska dokumentacija za konkurentski zahtjev za dostavu ponuda u sistemu „E-nabavke“ Ugovorni organ uputio je poziv ponuđačima za učešće na tenderu nabavke boca za kisik sljedećim ponuđačima:
- „Messer Tehnoplín“ d.o.o Sarajevo, „Linde gas“ d.o.o Zenica i „Gas produkt“ d.o.o Sarajevo.

Komisija za javnu nabavku dostavila je dana 15.03.2019. godine izvještaj o radu broj:1092 od 28.02.2019 godine, izvještaj o ocjeni ponuda broj: 1092/19-1 od 14.3.2019. godine i Preporuku o izboru najpovoljnijeg ponuđača broj: 1092/19-2 od 14.3.2019. godine, u postupku javne nabavke **boca za kisik.**

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3;
- da su blagovremeno zaprimljene 3 ponude;
- da su neblagovremeno zaprimljene 0 ponuda;
- **da su ponude ponuđača MESSER TEHNOPLIN d.o.o, INEL BH d.o.o i DERBY TRADE d.o.o prihvatljive i da mogu učestvovati u e-aukciji;**

U postupku pregleda i ocjene ponuda pozvan je ponuđač Messer Tehnoplín d.o.o u roku od dva dana od dana zaprimanja zahtjeva za pojašnjenje neprirodno niske cijene ponude. Dana 07.3.2019.godine, u ostavljenom roku, ponuđač Messer Tehnoplín d.o.o je dostavio pojašnjenje.

U navedenom pojašnjenju ponuđač navodi : „Messser Tehnoplín“ d.o.o je trenutno broj 1 na tržištu Bosne i Hercegovine u prodaji tehničkih i medicinskih plinova i pripadajuće opreme. To je primarna djelatnost naše kompanije, u čemu imamo višegodišnje iskustvo. Što se tiče konkretno medicinskih plinova i opreme snadbijevamo većinu Kliničkih centara, bolnica i domova zdravlja na cijeloj teritoriji BiH.

Iz tog razloga, trenutačno raspolažemo sa kapacitetom od preko 20.000 boca za tehničke i medicinske plinove na teritoriji Bosne i Hercegovine. Svake godine iz sistema se isključuju dotrajale boce, a nabavljaju zamjenske i dodatne količine novih boca koje se ubacuju u sistem prodaje i korištenja. Obzirom na izuzetno veliku količinu boca koju nabavljamo svake godine od dobavljača, imamo i ekstra popuste, a sve iz razloga kontinuiteta (svake godine) i količine (stotine boca godišnje za različite plinove).

Na osnovu posebnog popusta na boce, u mogućnosti smo i da ponudimo iste po znatno manjim cijenama od prodavača čija primarna grana nije gasna industrija, jer nije isto od dobavljača naručiti npr. 20 boca jednom u godini i npr. 500 boca svake godine i imati istu cijenu od dobavljača.

Na osnovu gore navedenog, našeg cjenovnika ambalaže, kao i kretanja cijena kod ostalih konkurentskih firmi koje se bave isključivo prodajom gasova i pripadajuće opreme, smatramo da je naša cijena u ovom slučaju jedina realna te se nadamo da smo uspjeli obrazložiti razloge znatno niže cijene od ostalih ponuđača."

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, direktor Zavoda nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom.

E-aukcija je zakazana za dan 14.3.2019.godine sa početkom u 10:40 sati i trajanjem od 20 minuta.

Nakon završetka e-aukcije Ugovorni organ je dobio obavjest Agencije za Javnu nabavku BiH o uspješnoj završenoj e-aukciji i najpovoljnijem ponuđaču nakon završene e-aukcije. U skladu sa Izvještajem o toku i završetku e-aukcije, broj postupka:39-7-1-26/19, komisija je utvrdila da su cijene svih ponuđača ostale nepromijenjene. Slijedom gore navedenog i nakon provedene e-aukcije komisija za javnu nabavku boca za kisik, sačinila je konačnu rang listu ponuđača, koji su ispunili kvalifikacione uslove.

Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

Naziv / ime ponuđača		Ukupna cijena ponude
1.	MESSER TEHNOPLIN d.o.o	5.428,80 KM
2.	INEL BH d.o.o	10.506,60 KM
3.	DERBY TRADE d.o.o	10.530,00 KM

Izabrani ponuđač je izabran primjenjujući kriterij najniže cijene, koja je ponuđena u iznosu od 5.428,80 KM sa PDV-om.

Iz navedenih razloga, primjenom člana 64. stav 1. (najniža cijena) Zakona o javnim nabavkama odlučeno je kao u članu 1. ove odluke.

Pouka o pravnom lijeku: Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

DIREKTOR ZAVODA
Mr. sc. dr Adem Zalihić

Dostaviti:

- Ponuđaču: Messer Tehnoplina d.o.o
- Ponuđaču: Inel bh d.o.o
- Ponuđaču: Derby trade d.o.o
- Arhiva